



Pou Piblikasyon Imedya: 13/08/2020

GOUVÈNÈ ANDREW M. CUOMO

GOUVÈNÈ CUOMO ANONSE GEN APEPRÈ 1 MILYON DOLA POU DEVLOPE SÈVIS TRETMAN KONT ADIKSYON

Yo akòde finansman yo bay founisè nan senk rejyon nan eta a

Gouvènè Andrew M. Cuomo te anonse jodi a yo te akòde 972,717 dola bay senk founisè sèvis tretman kont adiksyon atravè Eta New York pou pèmèt yo achte epi itilize veyikil tretman mobil. Objektif inisyativ sa se pou devlope disponiblite ak aksè pou sèvis tretman kont adiksyon nan rejyon ki defavorize nan eta a. Se Biwo Eta New York pou Sèvis ak Sipò pou Adiksyon an (Office of Addiction Services and Supports, OASAS) ki administre finansman an e yo te bay li atravè Sibvansyon Federal pou Reponn a Pwoblèm Opyoyid Eta a (State Opioid Response Grant).

"Pandan n ap kontinye nan efò nou pou limite pwopagasyon COVID-19 la epi sekirize sante piblik la, nou dwe rete atantif sou epidemi opiyoyid ki ankou an," **Gouvènè Cuomo te deklare**. "Envestisman ki gen gwo enpak sou sèvis tretman kont adiksyon an ap ede nou asire ke kominote ki defavorize yo genyen resous ki nesesè pou ogmante aksè pou Nouyokè yo nan sèvis ki souvan sove lavi pandan n ap konbat flewo adiksyon an."

Gouvènè Adjwen Kathy Hochul, ko-Prezidan Gwoup Travay sou Ewoyin ak Opyoyid (Heroin and Opioid Task Force) Eta a, te deklare, "Nou angaje pou investi nan sèvis tretman atravè eta a pou ede moun ak fanmi k ap goumen ak adiksyon yo. Finansman sa pou devlope tretman mobil la ap ede asire gen aksè ki enpòtan nan swen ak sèvis ki nesesè nan senk rejyon nan eta a. Nou vle asire nou ke moun yo gen aksè nan resous ak sèvis ke yo bezwen pou pote lasante ak lavi ki sekirize, espesyalman pandan pandemi COVID-19 la, epi kontinye efò nou pou konbat epidemi opiyoyid la nan New York".

Pandan kèk ane ki pase yo, New York te devlope kapasite tretman mobil li anpil. Nan 2017, Eta a te etabli Sant Inovasyon Tretman (Centers of Treatment Innovation, COTI) pou sèvi konte ki gen plis bezwen yo nan tout eta a. COTI yo konsantre sou etabli koneksyon ak moun ki afekte pa adiksyon yo, ki pa t gen kontak ak swen anvan oubyen ki pa t kapab soutni rekiperasyon yo pa apwòch tretman tradisyonèl yo. Sèvis COTI yo, ki genyen ladan yo tretman mobil, te ede angaje plis pase 13,000 Nouyokè nan tretman pa mwayen ki pa tradisyonèl, epi yo te ede founisè yo elaji sansibilizasyon yo nan zòn ki te mal desèvi anvan yo.

Komisè OASAS, Arlene González-Sánchez, te deklare "Sèvis tretman mobil se yon sipleman ki enpòtan anpil nan sèvis tradisyonèl yo e sa te bay plizyè milye Nouyokè yon chans pou konekte ak tretman ki enpòtan, ki sove lavi. Adiksyon rete yon kriz sante piblik, e Gouvènè Cuomo te angaje nèt pou etabli epi devlope resous pou adiksyon. Finansman sa ap ranfòse pi plis èd premye plan peyi a ki anplas nan tout Eta New York pou moun ki afekte pa maladi sa".

Founisè nan Eta New York yo itilize de kalite veyikil tretman mobil:

- Venn modifiye ki gen kapasite pou bay sèvis oryantasyon endividyèl oubyen nan ti gwoup, ak kapasite pou tele-pratik
- "Klinik mobil" konplè ak twalèt, espas pou egzamen, kapasite tele-pratik ak kapasite pou bay gam sèvis anbilan yo.

Chak founisè ki resevwa finansman ap bay sèvis nan rejyon ki nan lis la.

Finger Lakes

- Huther Doyle: 215,488 dola

Long Island

- Central Nassau Guidance: 208,554 dola

New York City

- Bridging Access to Care: 225,000 dola

Southern Tier

- Finger Lakes Area Counseling and Recovery Agency: 100,000 dola

Rejyon Lwès New York

- Best Self: 223,675 dola

Depi lè li antre an fonksyon, Gouvènè Cuomo te mete sou pye yon apwòch plizyè branch agresif pou rezoud flewo opyoyid la, epi li te kreye yon seri swen kontini kont depandans ak prevansyon total, tretman ansanm ak sèvis rekiperasyon. Pou konbat epidemi sa a, Gouvènè a te travay pou elaji aksè a sèvis tradisyonèl yo, ki genyen ladan yo pwogram sèvis kriz, pasyan ki entène, pasan a domisil, ak pwogram tretman rezidansyèl, menm jan ak sèvis tretman ki asiste ak medikaman, ak tretman mobil ak sèvis transpò.

An 2016, Gwoup Travay pou Ewoyin (Heroin Task Force) ke Gouvènè Cuomo te mete sou pye a, te rekòmande nouvo sèvis ki pa tradisyonèl, ki genyen ladan yo sant rekiperasyon, klèb lojman pou jèn, sèvis konpayon ki elaji, ak sant aksè ouvè, k ap bay evalyasyon ak rekòmandasyon pou swen imedyà. Depi lè sa, yo te etabli sèvis sa yo nan divès kominote alantou eta a, epi yo te ede moun ki nan bezwen yo aksede a swen ki pi pre kote y ap viv la.

Gouvènè a te pwopoze refòm lejislatif ak reglemantè pou pèmèt moun jwenn tretman pi rapid e nan menm nivou kouvèti ke pou swen medikal ak chirijikal yo, lè yo elimine anpil restriksyon asirans, ansanm ak pwojè lwa pou redwi dire pifò preskripsyon pou opyoyid soti 30 jou pou vin sèt (7) jou, ak pwojè lwa pou ogmante opòtinite fòmasyon ak edikasyon pou moun ki gen otorizasyon pou preskri medikaman yo. Gouvènè Cuomo te pran mezi tou pou konbat sèvis koutye ilegal pasyan yo ak sèvis tretman pou adiksyon ki twonpè yo.

Gouvènè a te travay tou pou ogmante fòmasyon ak disponibilite naloksòn, k ap lakòz plis pase 420,000 moun nan Eta New York resevwa fòmasyon epi k ap ekipe ak medikaman ranvèsman dozaj eksepsyon opyoyid. Gras a mezi Gouvènè Cuomo te pran yo, kounye a famasi toupatou nan Eta New York yo kapab ofri naloksòn san yon preskripsyon.

Nouyòkè yo ki gen difikilte avèk yon adiksyon, oswa yon pwòch ki gen difikilte, ka jwenn èd ak lespwa lè yo rele liy telefòn gratis Eta, 'HOPEline' 24 èdtan, 7 jou sou 7 nan 1-877-8-HOPENY (1-877-846-7369) oswa lè ou voye tèks HOPENY (Kòd Kout 467369).

Ou ka jwenn tretman pou adiksyon ki disponib ki genyen ladan yo swen pou kriz/dezentoksikasyon, swen malad ki etène, rezidans kominotè, oswa swen konsiltasyon ekstèn, lè w itilize Panèl Disponibilite Tretman OASAS Eta NY la nan [FindAddictionTreatment.ny.gov](https://www.findaddictiontreatment.ny.gov) oswa atravè sitwèb OASAS, Eta NY la.

###

Lèt nouvell disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)